

仲華曰志古著西原紀要

治邊良鑑

黃慕松題



小同
2000

序

年來研究邊事者多矣，而以身歷其境，詳加考察者猶爲鮮；談述邊情之書亦夥矣，然能耳聞目染，博載詳記者不易得。西康位於吾國邊陲，東憑中華天府之富，西依世界祕密之邦，地藏物華，未脫處女之態，史陳別蹟，尤多殊饒之趣，風俗民情，生活信仰，迥然具有奇異。能以世界之眼光，科學之方法，分門別類，歷陳其情況於國人者，至今猶未之見。康定楊仲華君，西康之青年英俊也，生處斯地，長遊京華，當其肄業於中央政治學校時，卽以身心親歷之所得，常爲記述邊情諸類之文，而介紹於國人，學成還鄉，更以其所學，研討西康情況，孳孳不懈，精益求精，以積年之工夫，乃成西康紀要一書，內分十章，全書二十萬言，洋洋灑灑，引人入勝，倘能人手一編，不啻臥遊西康，吾信此書一出，必能風靡全國，紙貴洛陽，使研究邊事者得所依據，則將來西康之開發，或將以此而爲原動力，是乃楊君之成功，亦吾人之所深期望者也。楊君於脫稿之初，函吾而爲之序，爰弁數言，以資介紹。西康劉家駒草於青海塔爾寺。時正贊翊班禪大師，宣化西陲之第三年也。

西康調查記序

西康地居西陲，挾制三邊，大爲國防之重鎮，小爲滇蜀之屏障，形勢險要，壤地遼闊，且人烟稀少，可爲殖民之資料，礦物蘊藏，足爲財富之泉源。英人覬覦，久思攫取，凡吾國人，類能知之。惟我國自辛亥以還，兵戎擾攘，迄無寧歲，元氣耗損，政治晦盲，國防至計，鞭長莫及。遂致藏人逞兵，淪喪土地於前，土酋倡亂，蹂躪人民於後，嗟我邊民，蓋無日不在水深火熱中也。近二年來，國人鑒於邊城羽檄之頻驚，已逐改向日冷靜之態度，政府提倡，報紙鼓吹，籌備規劃，不遺餘力，吾康民衆，漸有來蘇之望，大旱望霓，誠可欣幸者矣。第念民情風俗，漢藏不同，經緯設施，掣肘多端，苟不先悉其生活之狀況，何從得布政之南針？而西康改流未久，草萊初闢，志乘缺略，文獻無徵，在昔傅公華峯雖有西康建省之記，又多鋪張揚厲之詞，華而少實，探討無資。章榮世居康定，長遊邊城，見聞所及，爰筆綴記，欲俟他日，整理成編，以備觀風者之採擇。惟以時事要求，勢難容緩，故先草此篇，藉貢芻蕘於萬一。至於敘事方面，僅

求明顯，譴陋不文，實難辭答；所冀博雅君子，指其悖謬，以匡不逮，則幸甚矣。民國十八年二月仲華楊章榮序於成都寓次。

西康概況序

我國輿地之書，肇自禹貢，厥後地官採紀，職方貢圖，鴻編鉅製，代有著聞。迄至明清，西學東漸，名儒輩出，斟酌今古，稽合同異，輿地之學，愈見昌明。如亭林之志郡國，乾隆之誌府廳，公私修纂，不可勝計，經緯天地，洪纖畢陳。晚近之世，科學發皇，究自然之現象，蒼人文之淵藪，類別羣分，愈平尙已。惟是專制時代，天擇分嚴，新學之士，每蹈恒蹊；總其所述，率多內諸夏而外四裔，詳近畿而略邊遠。西康僻處邊陲，介於川藏，旄牛荒徼，著錄鮮聞，卽有著述，亦逞臆說。嗟夫！邊疆之地理不明，國家之統馭失據，列強乘隙內侵，版圖日遭剝蝕，而茫茫康宇，其不爲外蒙印度之續者，能幾何哉？章榮東髮受書，每閱地誌方乘，或聆教師講貫，獨我康區，每付闕如。嘆書缺之有間，慨文獻之無徵，更惋惜西藏之獨立，影響西康之危墜；輒思將我西康歷史沿革，人口息耗，與夫土俗民風，山川疆域，仿林傳甲先生大中華分省地志之體例，一一詳誌，貢獻國人，仰望政府之眷顧，俯促康民之覺醒。乃以境遇制限，深造未能，

識短才輕，初志莫遂，撫膺自思，愧汗交流。民國十八年，川康邊防總指揮劉自乾氏藉四川勸業會之舉賽，創設邊區風物展覽會，徵集西康寧遠及雷馬屏峨各區地方風物，陳列觀覽，以引起國人對於邊防之注意，並激勵國人開發邊疆之雄心。章榮謬承康定法團推舉，赴蓉參加，觀摩之餘，曾草西康調查記一冊，錄由新四川日刊發表。刊登以後，並允該社作為叢書，專冊印行。展覽閉幕，章榮回康，旋於秋初晉京求學。此書付印與否，遂亦不及過問。抵京後，默察大勢，覺我西康一區，經中央政府之提攜，康藏先進之呼號，視線轉移，已有國內多數人士之注意。唯內地投機之士，不諳西康情形，著述每多錯誤，即以最近某某等關於西康之著述，亦或剽竊舊聞，拉雜成篇，或臆造黑白，專事漁利。瑣碎支離，無非郵書燕說，奇詭誕妄，竟類談鬼搜神，此不惟關係西康文化，而於國防民族之感情，影響尤非淺鮮。慨茲勸說，杞憂孔棘，惜不能火其書，以為造偽者戒；但據事實以糾其謬，則當仁不敢讓焉。爰寓書新四川日刊社，請將前稿，速公於世，嗣得該社來函，謂因經費支絀，未能出版，將原稿寄京。章榮課餘之暇，特加補充，行將災梨問世，藉資救正邪說。又因西康幅員廣大，壤地遼迥，風俗習慣，南北不同，稿成，並以質之巴安格桑澤仁劉家駒二同志，對於事實，與以校正，借重皇甫，感謝滋深。自問此書比

辭屬事，雖不若某著述之華瞻，而於西康人民之生活狀況，社會情形，蓋無一字不從實際中來。國人取而閱之，覺我西康之人，圓領長袖，歷歷在目；梵音清曲，嫋嫋動人；進而鞠躬問訊，執手言歡，外侮不侵，國防鞏固，我相兩忘，大同實現，則裨益黨國，又不僅是正之功也。至於窮究山川之形勢，追溯歷代之變遷，步林傳甲先生之後塵，以成大中華西康地理志也，當於學成回康之際，搜求漢藏典籍，網羅地方舊聞；更當雪笠蠡衣，南出巴鹽，北循寧海，西極太昭，東遊松茂，登丹達之高峯，溯金沙之上源，周歷邊徼，策馬歸來，然後秉筆成書，用質當世，茲編簡陋，希垂鑒焉。民國十九年八月西康楊章榮仲華甫序於南京中央宣傳部蒙藏週報社。

自序

民國十九年，仲華赴京求學，承中央宣傳部蒙藏週報社聘助漢文編輯；感於內地同胞，不諳西康情形，而投機取巧之士，往往臆造邊疆故實，迎合國人好奇心，對於民族團結，影響極大。特就拙著西康調查記，加以補充，更名西康概況，行將災梨問世，藉正國人觀感。適新亞細亞月刊創行，社長張振之先生徵稿於華，遂交由是刊分期發表。惟該稿拉雜記述，毫無系統，倉卒成編，又多疏漏，重擬再加訂改，然後就正明達。未幾，仲華肄業中央政治學校西康班，課務紛繁，無暇另編成書。卒業後，溯江端返，忝長康定縣立兩級學校，日勞勞於教育設計，亦未獲着手整理。數年經營，始卸仔肩，家園蟄居，稍得餘閒，因此翻檢舊稿，采拾新知，分別門類，條列章節，草成此帙。惟是書稿經三易，名歷三改，內容之充實，雖較前歷有增加，而掛一漏萬，仍屬不免，所以名爲西康紀要者，亦以康事鴻博，茲編之作，僅其崖略云爾。民國二十四年八月西康康定楊仲華序於瀘定縣政府祕書室。



督辦川滇邊務大臣趙爾豐遺像





者 著



者 著


橋震之造所長縣服純張後燬炸匪赤經橋索鐵定瀘





瀘定鐵索橋未燬時全景

西康巴安全景






(都天小爲題王親果)布瀑水道頭定康



外 郊 之 定 康



康定木雅鄉喇嘛寺正殿



康定南無寺全景